

ODE DICOLOS, DISTROPHOS, AL-
tero versu Heroico Hexametro, altero Iam-
bico dimetro. De casa natalicia pueri IE-
su, deq; paupere puerperio virgis
nis deiparæ Mariæ.

Cquid adhuc veterū sequimur spectacula rerum?
SHuc huc frequentes currite.
 Hæc casa, quæ lacera & stat agrestibus horrida cul-
 Nouum dabit spectaculum. (mis,
 Quale nihil seclis proaui videre vetustis,
 Nihil videbunt posteri.
 Hic cuius tonitru tellusq; tremiscit & æther,
 Teneris crepat vagitibus.
 Hic orbis magni moderator maximus infans
 Virginea mulget vbera.
 His ego non stabulis augusta palatia Romæ
 Fœliciora iudicem.
 Non (operosa licet) Solomonia templæ, nec auream
 Lydi tyranni regiam.
 Salue clara domus, cœloq; beatior ipso,
 Partus sacrati conscia.
 Iure tibi Louis inuideant capitolia falsi,
 Diuis superba saxeis.
 Aegyptus sancta inuideat cunabula, monstros
 Finem datura turpibus.
 Nec minus apta deo es, quod hiantibus vndiq; rimis,
 Imbris & Euros accipis.
 Quod lodicis egens, rigidoq; incōmoda feno
 Foetus rubentes excipis.
 Talia nascentem decuere cubilia Christum, vt
 Qui dedocere venerit
 Fastum, nullaq; non suadentem turpia luxum.
 Non hic renident purpuræ,

Sertaue frondea, non imitantes fulmina teda,
 Non mensa sumptuosior,
 Nec strepit officijs domus ambitiosa, nec alti
 Fouent puerperam thori.
 Pannosus iacet in duris præsepibus infans.
 Diuinus attamen vigor
 Emicat, & patrios vagitu dispuit ignes.
 Sensere præsentem deum,
 (Quodq; licet) pueru iumenta tepentibus auris
 Frigus decembre temperant.
 Vpilio calamis ijsdem, quibus ante capellis,
 Agreste, sed pium canit.
 Aethereiq; chorivolitant cunabula circum,
 Ut mensibus vernis, apum
 Degenerem simul ac pepulere examina regem,
 Reginouo, fauentibus
 Applaudunt alis, sublimemq; agmine tollunt,
 Sic turma coelitum duci
 Circum fusa suo, gaudens stupet, atq; iacentem
 Pronis adorat vultibus,
 Et natalitium sonat ad præsepio carmen,
 Coniux pudicus interim,
 Fusus humili, magnum trepidus veneratur alumnum
 Porro puella, nobilis.
 Pars bona spectacli, defixis hæret ocellis,
 Primumq; sese non capit,
 Seq; suumq; stupens genitrix virguncula partum,
 Nulli marito debitum.
 At simul eiecit pietas materna stuporem,
 Prædulce pignus corripit,
 Ac modo porrectis prohibet vagire papillis,
 Modo tepente frigidum
 Blanda fouet gremio, paruisq; dat oscula labris.
 Nunc pectori ad primit suo,

Nunc bleso teneros inuitat murmure somnos,
 Amabili inuicem modo,
 Lætam prole deo videas gestire parentem.
 Prolem parente virgine.

Finis Odæ natalitiae.

D. ERASMI Roterodami,
 expostulatio IES V cum homine
 suapte culpa pereunte.

 Vm mihi sint vni bona, quæ vel frondea tellus,
 Vel olympus ingens continet,
 Dicite mortales, quæ vos dementia cœpit?
 Hæc aucupari ut vndeuis
 Malitis, & de proprio deposcere fonte,
 Adeo benigno, & obuio:
 Mendacesq; iuuet trepido, miseroq; tumultu
 Vmbras honorum persequi:
 Pauci me, qui sum veræ largitor & auctor
 Fœlicitatis, expetant:
 Forma rapit multos, me nil formosius vsq; est,
 Formam ardet hanc nemo tamen
 Suspiciunt Ceras, antiquaq; stemmata multi,
 At me quid est illustrius?
 Ut qui sim genitore deo deus ipse profectus,
 Genitrice natus virgine.
 Vnde fit, ut mecum vix gestiat vñus & alter
 Affinitatem iungere:
 Maximus ille ego sum coeliq; soliq; monarcha,
 Seruire nobis cur pudet:
 Dives item, & facilis dare magna, & multa roganti,
 Rogari amo, nemo rogat.
 Sumq; vocorq; patris summi sapientia, nemo